



U S T

Umhverfisstofnun

Environment and Food Agency of Iceland

• Suðurlandsbraut 24  
IS - 108 Reykjavík, Ísland

☎ (+354) 591 2000

Fax (+354) 591 2010

umhverfisstofnun@ust.is

www.umhverfisstofnun.is

Nefndasvið Alþingis  
Landbúnaðarnefnd  
Austurstræti 8-10  
150 Reykjavík

21. apríl 2006

Skjalanúmer: 45.10

Tilvísun: UST20060300155/KG

### Frumvarp til laga um varnir gegn fisksjúkdómum, 596. mál

Vísað er til erindis landbúnaðarnefndar, dags. 28. mars sl., þar sem óskað er umsagnar Umhverfisstofnunar um frumvarp til laga um varnir gegn fisksjúkdómum, 596. mál.

Umhverfisstofnun vísar til þess að í framangreindu erindi nefndarinnar er jafnframt óskað umsagnar stofnunarinnar um 4 önnur frumvörp en öll þessi mál tengjast endurskoðun á núgildandi lögum nr. 76/1970, um lax- og silungsveiði. Athugasemdir um þá heildarendurskoðun er að finna í umsögn stofnunarinnar um frumvarp til laga um fiskrækt, 613. mál (tilvísunarnúmer UST20060300158).

Vísað er til meðfylgjandi greinargerðar um sértækar athugasemdir Umhverfisstofnunar um frumvarp til laga um varnir gegn fisksjúkdómum, 596. mál. Óski landbúnaðarnefnd eftir ítarlegri umfjöllun stofnunarinnar um einstök atriði er stofnunin að sjálfsgöðu reiðubúin til þess, sem og að senda fulltrúa sína á fund nefndarinnar.

Virðingarfyllst,

Davíð Egilson  
forstjóri

Sigurbjörg Gísladóttir  
forstöðumaður

## Greinargerð

### Athugasemdir við frumvarp til laga um varnir gegn fisksjúkdómum, 596. mál

#### Athugasemdir um einstakar greinar:

##### 3. gr. Skilgreiningar.

3. tl. *Fiskeldi*. Umhverfisstofnun bendir á að skilgreining á fiskeldi í þessum lögum er ekki fyllilega í samræmi við 1. mgr. 2. gr. laga nr. 33/2002, um eldi nytjastofna sjávar. Leggur stofnunin til að gætt sé að fullu samræmis milli skilgreininga, að teknu tilliti til frumvarps til laga um fiskrækt. Eftir að valið hefur verið orðalag verði jafnframt samþykkt frumvarpsins breytt viðeigandi ákvæðum í öðrum lögum.

7. tl. *Fiskur*. Umhverfisstofnun leggur til smávægilega orðalagsbreytingu til skýringar og nánari afmörkunar: „...tegunda lagardýra sem lifa í fersku vatni og sjó...“

14. tl. *Sjór* og 17. tl. *Vatn*. Umhverfisstofnun telur að gæta þurfi betur að afmörkun framangreindra skilgreininga. Annars vegar er tilgreint **salt vatn fyrir utan** árósa og hins vegar **ósalt vatn**. Hvað með ósasvæði fyrir innan sjálfan ósinn en þar sem gætir seltuáhrifa (t.d. lón fyrir innan ósa)?

##### 4. gr. Stjórnisýsla

Umhverfisstofnun leggur til að auk þeirra stofnana sem taldar eru upp í 2. mgr. verði Umhverfisstofnun tilgreind sérstaklega sem umsagnaraðili áður en settar reglugerðir um framkvæmd laganna.

##### 6. gr. Um innflutning skrautfiska

Umhverfisstofnun bendir á að stofnunin hefur umsjón með framkvæmd CITES-samningsins, um alþjóðaverslun með tegundir villtra dýra og plantna sem eru í útrýmingarhættu og að áður en nokkurt leyfi er veitt fyrir innflutningi á tegundum ber að tryggja að viðkomandi tegund falli ekki undir samninginn. Stofnunin bendir einnig á að vegna náttúruverndarsjónarmiða og dýraverndarmála er eðlilegt að leitað sé umsagnar stofnunarinnar áður en leyfi eru veitt.

Umhverfisstofnun óskar því eftir að 6. gr. verði orðuð sem hér segir:

„ Landbúnaðarstofnun er heimilt að leyfa innflutning skrautfiska og hrogn þeirra með þeim skilyrðum sem nauðsynleg eru svo að markmið laga þessara náist, **að fenginni umsögn frá Umhverfisstofnun** . Ráðherra skal í reglugerð setja nánari fyrirmæli þar að lútandi.

##### 11. gr. Setning reglugerða

Umhverfisstofnun leggur til að auk þeirra stofnana sem taldar eru upp í 1. mgr. verði Umhverfisstofnun tilgreind sérstaklega sem umsagnaraðili áður en settar reglugerðir um framkvæmd laganna.

Vegna orðalags í 3. mgr. 11. gr. bendir Umhverfisstofnun á að í lögum nr. 7/1998, um hollustuhætti og mengunarvarnir, er fjallað um heilbrigðiseftirlit og að heilbrigðiseftirlit sveitarfélaga hefur þegar stórt hlutverk varðandi fiskeldisfyrirtæki. Stofnunin bendir á að æskilegt er að notað verði annað orð í staðinn fyrir *heilbrigðiseftirlit* í frumvarpinu í því skyni að koma í veg fyrir misskilning.